

Ժողովուրդ

126
(2792)

9 սեպտեմբերի շաբաթ 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԿԵՆՏՐՈՆԻ ԹԱՂԱՊԵՏՆ ՈՒ ԹԱՂԱՅԻՆՆԵՐԸ



2019 թվականին վարչապետի աթոռը նոր զբաղեցրած Նիկոլ Փաշինյանը խորհուրդ հայտարարեց, որ այլևս որեւէ մեկը չպետք է թիկնազորով շրջի, հակառակ դեպքում նրանց «կպառնկեցնեն ասֆալտին»: Թերեւս Երեւանի Կենտրոնի թաղապետը նման վարքագիծ է դրսևորում, եւ ոչ մի ցուցադրական ակցիա իրավապահների կողմից չի բեմադրվում:

«Ժողովուրդ» օրաթերթի տեսախցիկը ֆիքսել էր, թե ինչպես է Կենտրոն վարչական շրջանի ղեկավար Սամվել Ղուկասյանը Արմավյան 22 հասցեի բակ մտել (առաջին տպավորությամբ) թիկնապահների ուղեկցությամբ: Երբ մեր լրագրողը մոտեցավ թաղապետին՝ պարզելու, թե ինչու է բակ եկել, նա հայտնեց, թե եկել են աշխատանքները ստուգելու: Այսինքն՝ թաղապետն իր աշխատակիցներով շրջում է բակերում ստուգելու, թե ինչպես են այս կամ այն աշխատանքներն արվել: Իրականում Սամվել Ղուկասյանը, մեղմ ասած, ստեց, քանի որ իր հետ շրջողներից որեւէ մեկը Կենտրոն վարչական շրջանի աշխատակից չէր: Ու հենց իրենք իրենց փողոցային վարքով մատնեցին իրենց ով լինելը: Նախ՝ ազդեցիկ ցուցաբերեցին տեսախցիկ տեսնելիս, ապա միայն խաղաղվեցին, երբ իմացան ուղիղ լեթեր է: Բոլորը փախան կադրից՝ թաղապետին թողնելով միայնակ:

Յետեւաբար՝ ովքե՞ր էին թաղապետի հետ պտտվող, այսպես ասած, թիկնապահները. Երեւանի կենտրոնի աղմկարար բնակիչներ, որոնց անունները այս կամ այն քրեական գործի կամ սկանդալի շրջանակներում են պտտվել մամուլում:

Եւ այսպես, մուգ վերնազգեստով, ակնոցներով ուղեկից տղան Աշոտ-Արշի Սարգսյանն է: Նա հայտնի գործարար Արմեն Գինոսյանի՝ Սոնարիսի Արմենի փեսան է:

Սպիտակ վերնազգեստով ուղեկից պարոնը Նալբանդյան-Վարդանյան խաչմերուկում գտնվող հայտնի «բոքսի դալան»-ի Արմենյանն է:

Մյուս ուղեկից պարոնը ալավերդյանցի Բոյով մականունով հայտնի մեկն է:

Մյուս երիտասարդները Աշոտ-Արշի Սարգսյանի թիկնապահներն էին, որոնք մշտապես շրջում են Սոնարիսի Արմենի փեսայի հետ, սակայն Նիկոլ Փաշինյանը նրանց «ասֆալտին փռելու» իրահանգ չի տալիս: Ինչու՞. որովհետեւ տարբեր թելերով կապված են փեսան ու աները հեղափոխական իշխանիկների հետ:


Թե կոնկրետ ինչ նպատակով են նրանք այս ընտրություններում աշխատում ԶԳ-ի համար, եւ որտեղ են իրենց միջոցներով շտաբներ բացել ԶԳ-ի համար, կներկայացնենք հաջորդիվ:

Հիմա միայն արձանագրենք, որ Կենտրոնի թաղապետ Սամվել Ղուկասյանի համար փողոցային վարքուբարքն է ընդունելի:

Նիկոլ Փաշինյանի մարզային շրջագայություններն իսկական պատուհաս են դառնում տեղի բնակիչների ու մարզային իշխանությունների համար: Երեւանի ավագանու ընտրությունների քարոզարշավի մեկնարկին զուգահեռ՝ Փաշինյանը մարզային ակտիվ «շրջագայություններ» է սկսել Կոտայք, իսկ վերջին կանգառը Շիրակի մարզն էր, ուր այցելել էր սեպտեմբերի 6-ին: Փաշինյանը եղել էր Գյումրի, Աշոցք եւ Ախուրյան համայնքներում եւ այնտեղ միջոցառումների մասնակցել: «Ժողովուրդ» օրաթերթի տեղեկություններով՝ Փաշինյանի այցի օրը իսկական քառու է եղել Շիրակում: Նրան, բացի ծառայողական կորուստից, ուղեկցել են մարզի ողջ ոստիկանությունը, ինչպես նաեւ մի ավտոբուս՝ կարմիր բերետավորներով լի: Համայնքային հիմնական փողոցները այդ օրը փակ են եղել, քաղաքացիները չեն կարողացել մի ամբողջ օր տեղաշարժվել, ինչը տեղացիների դժգոհությունն է առաջացրել: Ինչպես մեր աղբյուրներն են փոխանցում, Փաշինյանի այցի օրը մարզ են շտապել նաեւ ԶԳ-ական գյումրեցի պատգամավորներ Կարեն Սարուխանյանը եւ Դավիթ Առուշանյանը, որոնք ամբողջ օրը Փաշինյանի կողքից չեն հեռացել ու փորձել են ցույց տալ, որ իրենց հայրենի մարզում մեծ հեղինակություն են վայելում: Ստացվում է՝ Փաշինյանն այցելում է մարզեր՝ տեղի խնդիրներին ծանոթանալու, բայց, հակառակը, ավելի է բարդացնում տեղի բնակիչների առօրյան ու նոր անհարմարություններ ստեղծում նրանց համար:



Սեպտեմբերի 11-ին մեկնարկելու է Ազգային ժողովի նոր նստաշրջանը: Այս նստաշրջանի օրակարգում ընդգրկված է 47 հարց, որոնք մեծամասնությամբ կառավարության հեղինակած նախագծերն են եւ հիմնականում նոր են, քննարկվելու են առաջինից երկրորդ ընթացքում ռեժիմով: Իհարկե, հաջորդ շաբաթ կրկին շարունակվելու է Երեւանի ավագանու քարոզարշավը, սակայն ԶԳ խմբակցության պատգամավորներին ասվել է, որ պետք է մասնակցել նիստերի աշխատանքներին: Խոսքը հատկապես չորեքշաբթի օրվա մասին է, երբ վարչապետ Նիկոլ Փաշինյանը պետք է կառավարության անդամների հետ խորհրդարանում լինի եւ պատասխանի պատգամավորների հարցերին: Վերջինիս վաղուց խորհրդարանում չեն տեսել, եւ հաշվի առնելով սահմանային իրավիճակը՝ արդեն պարզ է, թե ինչ հարցեր են հնչելու այդ օրը: Առհասարակ, սպասելի է, որ օրակարգից շեղումներ կլինեն, եւ քննարկումներ կծավալվեն հենց սահմանային իրավիճակի, անվտանգային հարցերի եւ հայկական երկու հանրապետությունների գլխին կախված վտանգների շուրջ: Ընդդիմության հետ բախումները, իհարկե, անխուսափելի կլինեն:



«Ժողովուրդ» օրաթերթին հասած տեղեկությունների համաձայն՝ ՀՀ քննչական կոմիտեն հարցաքննության է իրավիճակ Կոտայքի մարզի նախկին դատախազ Ռաֆայել Խաչատրյանի որդուն՝ Ալեքսանդր Խաչատրյանին: Մեզ հասած տեղեկությունների համաձայն՝ վերջինիս իրավիճակ էն հարցաքննության 2022թ. ընդդիմության հանրահավաքների ժամանակ ոստիկանության հետ բախման արդյունքում հարուցված քրեական գործի շրջանակներում: Դատախազի որդին առերեսվել է ոստիկանների հետ: Նկատենք, որ այս գործը արդեն 1,5 տարի է, ինչ քննվում է ՀՀ քննչական կոմիտեում, սակայն մինչ օրս որեւէ քննչական գործողություն չէր եղել, եւ հիմա նախաքննական մարմինը կոնկրետ գործողությունների է գնում: Տեսնենք, թե ինչով կավարտվի այս քրեական գործը: Նկատենք, որ դատախազի որդին ի սկզբանե քրեական գործով ճանաչվել է տուժող, իսկ, ահա, քրեական գործը ոստիկանների կողմից հարուցված է անչափահասին խոշտանգելու հատկանիշներով:



ՔԱՂԱՔԱԿԱՆ

ԶՐՈՒՅՑ

ՌԱԶՄԱԿԱՆ ՓՈՐՁԱԳԵՏԸ՝ ԿՈՒՑԱԿՈՒՄՆԵՐԻ ՄԱՍԻՆ

Թժճամին գործեր է կուսակում ՀՀ-ի եւ Արցախի հեռ սահմանին. այս մասին կառավարության վերջին նիստին բաց քննարկում հայտարարեց նաեւ Նիկոլ Փաշինյանը:

Ինչպես փորձագետներն են պնդում, Արցախի ձեռագիրը նույնն է, ինչ 2020թ-ի սեպտեմբերի 27-ից առաջ:

Ինչ սպասել թշնամու սադրանքներից, ինչ զարգացումներ կլինեն առաջիկայում. այս հարցերի շուրջ «Ժողովուրդ» օրաթերթը զրուցել է ռազմական փորձագետ Սիեր Զակոբյանի հետ:

-Միանգամից ասեմ, որ մեր պատերազմը չէր կարող ավարտվել ո՛չ 1994, ո՛չ 2016 եւ ո՛չ էլ 2020 թվականներին: Մենք ունենք պարզապես զինադադար թշնամու հետ, որն ուզում է մեր կործանումը, հայոց պետականության վերացումը եւ հայ ժողովրդի հեռացումը այս տարածաշրջանից: Մենք ամեն րոպե եւ ամեն վայրկյան պետք է ծախսենք ուժեղանալու վրա: Կոնկրետ այս պահին՝ սեպտեմբերի առաջին կեսին պատերազմ կլինի, թե ոչ, շատ դժվար է պատասխանել, որովհետեւ ինձ նման մասնավոր անձնավորությունը չունի ներքին փակ, գաղտնի ինֆորմացիա, եւ ստիպված ենք հետեւություններ անել ընդհանուր աղբյուրներից ստացված տեղեկությամբ այնքանով միայն, որ մի փոքր գիտենք պատմություն, զբաղվում ենք քաղաքականությամբ եւ այլն: Այդուհանդերձ, կարող եմ ասել, որ կան որոշ հանգամանքներ, որոնք եական ազդեցություն են ունեցել այն հանգամանքի վրա, որ լայնամասշտաբ պատերազմ, այդուամենայնիվ, չի լինի: Այս առումով ամենից առաջ կկարելորդի ԱՄՆ ակտիվ դիրքորոշումը: Պատահական չէ, որ սեպտեմբերի 1-ին տեղի է ու-



նեցել ԱՄՆ պետքարտուղարի եւ Ալիեի հեռախոսազրույցը, որից հետո կամ որի ընթացքում վերջին էսկալացիան Սոթքում հանգեց: Անցած տարի էլ, էսկալացիան երբ որ եղավ, նոր զսպիչ ազդեցություններ եղան: Այս առումով պետք է առանձնացնել եվրոպական կողմի դիրքորոշումները, հատկապես՝ Ֆրանսիայի: Վերջերս Գերմանիան եւս ակտիվացավ այս ոլորտում: Մի խոսքով, եվրոպական միության մոտեցումն այն է, որ չպետք է թույլ տալ էսկալացիա: Միաժամանակ Թուրքիայի վիճակն էլ միանշանակորեն լավ չէ, եւ Էրդոհանը, այսպես ասած, «այն Էրդոհանը չէ», որ 2020 թվականին էր. բազմաթիվ խնդիրներ նրան փոխել

են: Այս առումով կարող ենք մեզ թույլ տալ զգուշորեն ու լավատեսորեն... Գոնե լայնամասշտաբ էսկալացիայի հավանականությունը որոշակիորեն ցածր է: Ինչ վերաբերում է կուտակումներին, ճիշտ է, այն ինքնին պատերազմի նախանշում է իրենից ենթադրում, սակայն բազմաթիվ օրինակներ կան, որ կուտակումներ լինում են, բայց չի լինում պատերազմ: Մենք երկու տարբերակն էլ պետք է հաշվի առնենք: Երբ ասում ենք, որ եղավ կուտակում, ապա՝ պատերազմ, պետք է հիշել հազարավոր դեպքերի մասին, երբ եղավ կուտակում, բայց չեղավ պատերազմ:

Զրուցեց ՔՐԻՍՏԻՆԱ ՍՈՒՇԵՐՅԱՆԸ

ԻՐԱԿԻՃԱԿ

ԻՆՏԵՆՍԻՎԻՅԱՆ ԳՈՎՔ

Սեպտեմբերին՝ նոր ուսամական տարվա սկզբին, դպրոցականներին, նրանց ծնողներին եւ ուսուցիչներին սպասվում էր տիպիկ անակնկալ. դասագրքեր չկան:

Ըստ նախարարության՝ մրցույթում, որը հայտարարվել էր անցած տարի, բավարար քանակի մասնակից չի եղել:

Սեպտեմբերից օրեր անց դպրոցներում բաժանվեցին մի քանի դասագրքեր, որոնք ունեն խայտառակ բովանդակություն, որի մասին նախկինում գրել էինք: Մաթեմատիկայի դասագրքերում՝ խնդիրների կողքին, QR-ը սկան անելու դեպքում հայտնվում է խնդրի լուծումը, որի մասին բողոքում էին ծնողները:

Այս մյուս դեպքում էլ պատմության գրքերի անվանումները փոխվել են՝ դառնալով «Իմ հայրենիք»: Ըստ «Ժողովուրդ» օրաթերթի տեղեկությունների՝ հանվել է «Հայոց եկեղեցու պատմություն» առարկան: Այն միացվել է «Իմ հայրենիք» առարկային:

Պատմության գրքերում ավելացվել են «թավջյա հեղափոխության» մասին մանրամասներ, հատուկ հատվածներ է հատկացվել թավջյա հեղափոխության «դեմքերին»: Այսինքն՝ իշխանությունները փոխում են դասագրքերը, փոխում պատմության գրքերի բովանդակությունը, նաեւ խնդրահարույց համարում նախկին գրքերի բովանդակությունը, իսկ այս դասագրքերում գոյություն է փառաբանում են իրենց «վաստակը»:

ԷԼՄԱ ՍԻՔՍԵԼՅԱՆ



ՀԱՋԻԵՎԸ ՄԱՆՐԱՄԱՄՆՈՒՄ Է

«Ժողովուրդ» օրաթերթի տեղեկություններով՝ Արցախի գինված ուժերը պլանային վարժանքներ են անցկացնում աշուն-ձմեռ սեզոնին նախապատրաստվելու համար:

Այս տեղեկությունը հաստատել է Արցախի նախագահի օգնական-նախագահի աշխատակազմի արտաքին քաղաքականության բաժնի ղեկավար Հիքմեթ Հաջիեյը:

«Սա կանոնավոր պլանավորման գործընթացի մի մասն է», - հավելել է նա՝

Հայաստանին մեղադրելով սահմանի գործեր կուտակելու եւ նոր սպառազինությունների համակարգեր ձեռք բերելու համար:

Նրա խոսքով՝ Ղարաբաղում գտնվող հայկական ուժերը նույնպես դուրս են եկել իրենց զորանոցներից եւ բարձր պատրաստվածության վիճակում տեղակայվել առաջնագծում:

«Մեր ռազմավարությունն է ճնշել եւ չեզոքացնել Արցախի դեմ ցանկացած զինված կամ անօրինական ռազմական գործողություն կամ սադրանք», - հավելել է Արցախի նախագահի օգնականը:

ՄԱՐԶՊԵՏԻ ՈՒՆԵՑՎԱԾՔԸ

Արարատի մարզպետ Սեդրակ Թեոնյանը պաշտոնի նշանակվել է 2022 թվականի հունվարի 13-ին: Թեոնյանը եւս այն անձանցից է, որը քաղաքական դաշտ է եկել 2018 թվականի թավջյա հեղափոխությունից հետո: Մինչ այդ նա 7 տարի զբաղվել է անհատ ձեռնարկչությամբ, սակայն 2018 թվականից հետո «Իմ քայլը» խմբակցության պատգամավոր դարձավ Ազգային ժողովում:

Ըստ 2022 թվականի հայտարարատու տարվա՝ մարզպետը հայտարարագրել է համատեղ սեփականությամբ մեկ հողամաս՝ ձեռք բերված 1991 թվականին, եւ մեկ անհատական բնակելի տուն՝ ձեռք բերված 2010 թվականին. երկու գույքերն էլ գտնվում են Արարատի մարզի Արալեզ գյուղում:

2022 թվականին Թեոնյանը Երեւանի Արաբկիր վարչական շրջանում բնակարան է նվիրատվություն ստացել Ռուզաննա Ստեփանյանից:

2019 թվականին մարզպետը գնել է մեքենա՝ Նույն տարվա արտադրության, Toyota մակնիշի:

Մարզպետի կանխիկ դրամական միջոցները կազմել են 8 մլն 400 հազար դրամ: Հաշվետու տարվա եկամուտները կազմել են 11 մլն 843 հազար դրամ, որից 11 մլն 52 հազար ՀՀ Արարատի մարզպետարանից է՝ որպես աշխատանքի վարձատրություն, իսկ 791 հազարը՝ ՀՀ ԱԺ աշխատակազմից՝ աշխատանքի վարձատրություն:

Մարզպետի կնոջ՝ Նանե Մարտիրոսյանի հայտարարագրում եւս ներկայացված է Արաբկիր վարչական շրջանում նվիրատվություն ստացած բնակարանը: Կնոջ կանխիկ դրամական միջոցները կազմել են 2 մլն: Նրա հաշվետու տարվա եկամուտները կազմել են 5 մլն 346 հազար դրամ, որից 2 մլն 106 հազարը աշխատանքի վարձատրություն է Արարատի բժշկական կենտրոնից, որտեղ Մարտիրոսյանն աշխատում է որպես բժիշկ-ճառագայթաբան: Եկամտի մյուս մասը՝ 3 մլն 240 հազարը, վարձակալության դիմաց ստացված վճար է, գործարքի մյուս կողմը Արարատի բժշկական քոլեջն է:

Ռազմիկ Թեոնյանը՝ մարզպետի հայրը, հաշվետու տարվա ընթացքում ստացել է 56 մլն 509 հազար դրամ տարեկան եկամուտ: Որպես աշխատանքի վարձատրություն նա ստացել է 1 մլն 364 հազար դրամ Երասխի գիւու գործարանից, 1 մլն 144 հազար՝ ՀՀ Արարատի մարզպետարանից, եւ 54 մլն դրամ՝ շուկայից, ըստ երեւույթի, գյուղատնտեսության զբաղվելու արդյունքում, քանի որ մարզպետի հայրը կարծես սեփականաշնորհել է Արարատի Արալեզ համայնքի բոլոր մշակելի ցանքատարածությունները: Նա հայտարարագրել է 17 անշարժ գույք, այդ թվում՝ 8 միանձնյա սեփականության բազմաբնակ տների, 2 համատեղ սեփականության անհատական բնակելի տուն, 1 արտադրական նշանակության շինություն՝ միանձնյա սեփականության:

Հողամասերը ձեռք են բերված տարբեր ժամանակահատվածներում, հիմնականում՝ երբ հայրն էր մարզպետ կամ որդին:

Ռազմիկ Թեոնյանի համընկած եւ վերադարձված փոխառությունները կազմել են 707 մլն դրամ, բանկային հաշիվների մնացորդները՝ 238 հազար դրամ, կանխիկ դրամական միջոցները՝ 65 մլն դրամ:

Մարզպետի հետ համատեղ բնակվող Ռուզաննա Մարգարյանը՝ մայրը, հայտարարագրել է Ռազմիկ Թեոնյանի հետ համատեղ սեփականության մեկ հողամաս եւ անհատական բնակելի 1 տուն, 1 միանձնյա սեփականության հողամաս: Նրա կանխիկ դրամական միջոցները կազմել են 2 մլն 500 հազար դրամ, հաշվետու տարվա եկամուտները կազմել են 947 հազար դրամ, որը աշխատանքի վարձատրություն է «Արփի» գիւու գործարանից: Ըստ Սեդրակ Թեոնյանի հայտարարագրի՝ Մարգարյանը «Գինեթաս» ՍՊԸ-ի սնօրեն է: Զերոթ Թեոնյանը՝ մարզպետի եղբայրը, հայտարարագրել է 2 հողամաս եւ հասարակական նշանակության մեկ շինություն: Նա հայտարարագրել է 2020 թվականին ձեռք բերված՝ 2017 թվականի արտադրության, Hyundai մակնիշի մեքենա:

Նրա բանկային հաշիվների մնացորդները կազմել են 72 հազար դրամ, կանխիկ դրամական միջոցները՝ 20 մլն դրամ: Հաշվետու տարվա եկամուտները կազմել են 15 մլն 371 հազար դրամ, որից 371 հազար դրամը աշխատանքի վարձատրություն է «Երասխի գիւու գործարան» ՍՊԸ-ից, որտեղ աշխատում է որպես ապրանքագետ: 15 միլիոն դրամը վարկ է «Ալբա բանկ» ԲԲԸ-ից:

ԻՐԱՎԻՃԱԿ

ԱՐՑԱՆ

ԻՇԽԱՆՅԱՆԸ՝ ԸՆՏՐՈՒԹՅՈՒՆՆԵՐԻ ՄԱՍԻՆ

ՀԱՍՏԱՏՎԵԼ Է ՆՄՈՒՇԸ

Կենտրոնական ընտրական հանձնա- ժողովը (ԿԸՀ) հաստատել է Երեւանի ավագանու ընտրությունների քվեաթեր- թիկների նմուշը: «Ժողովուրդ» օրա- թերթին այս մասին տեղեկացնում են ԿԸՀ մամուլի ծառայությունից:

Նշենք, որ ԿԸՀ-ն հաստատել է նաեւ մինչ այժմ ներկայացված թեկնածուների ինքնաբացարկների դիմումները: Ինքնաբացարկի դիմումներ են ներկայացրել «Մայր Հայաստան» կուսակցու- թյունների դաշինքի համամասնական ցուցակի ներկայացուցիչ Աբգար Ալ- բաբայանը եւ «Ուժը հայրենյաց» կուսակ- ցության համամասնական ցուցակի ներկայացուցիչ Հովհաննես Զաքարյա- նը: Հովհաննես Զաքարյանի դիմումը սահմանված կարգով նոտարական վա- վերացմամբ է եղել, հետեւաբար վերջի- նիս ներկայությունը նիստին պարտա- դիր չի եղել, իսկ Աբգար Ալբաբայանը նիստին մասնակցել է եւ հանձնաժողո- վին է ներկայացրել անձը հաստատող փաստաթուղթ:

Հավելենք, որ, Ընտրական օրենսգր- քով սահմանված ժամանակացույցի հա- մաձայն, սեպտեմբերի 7-ին՝ 18:00-ին, ավարտվել է կուսակցությունների, կու- սակցությունների դաշինքի, ինչպես նաեւ ավագանու անդամի թեկնածու հանդիսացող անձանց ինքնաբացարկի դիմում ներկայացնելու ժամանակը, հե- տեւաբար ԿԸՀ-ն չի կարող այլեւս ինք- նաբացարկի դիմումներ ընդունել:

ԿԸՀ-ն հաստատել է նաեւ ավագանու ընտրություններին մասնակցած ընտ- րողների ցուցակները սկանավորելու որոշումը:

Նշենք նաեւ, որ, մեկ այլ որոշմամբ, հանձնաժողովը հաստատել է Երեւանի ավագանու 2023 թվականի սեպտեմբե- րի 17-ի ընտրություններին դիտորդա- կան առաքելություն իրականացնելու նպատակով Ժողովրդավարական ընտ- րությունների եվրոպական հարթակ կազմակերպությանը հրավիրելու որոշ- ումը:

ԻՐԱՎԻՃԱԿԸ ԼԱՐՎԵԼ Է

«Ժողովուրդ» օրաթերթը Արցախի ԱԱԾ-ի կողմից տարածած հաղորդագ- րությունից տեղեկանում, որ, նախագա- հի ընտրություններով պայմանավոր- ված, հանրապետությունում ստեղծվել է ներքաղաքական լարված իրադրու- թյուն:

Մասնավորապես, հայտարարությու- նում ասվում է, որ միաժամանակ տար- բեր քաղաքական ուժեր, իրավիճակից օգտվելով, հավաքների եւ ցույցերի անցկացման կոչեր են անում՝ այդպիսի փորձերով ապակայունացնել իրավի- ճակը:

«Երկիրը ցնցումների տանելու հայ- տարարություններ անող քաղաքական ուժերի ներկայացուցիչներին ու առան- ձին անձանց կոչ ենք անում սթափվել եւ Արցախի Հանրապետության համար այս վճռորոշ ու օրհասական պահին վտանգի տակ չդնել մեր պետականու- թյունը», - ասվում է հայտարարությու- նում:

«Ժողովուրդ» օրաթերթի փոխանց- մամբ՝ Արցախի Հանրապետության նա- խագահի դաւաճող Վալիք Ի- խանյանը հանդես է եկել Արցախի ժո- ղովրդին ուղղված կոչով:

Կոչում ասվում է, որ սեպտեմբերի 9-ին, Արցախի Հանրապետության Սահմանադ- րության համաձայն, Ազգային ժողովն ընտրելու է Հանրապետության նախա- գահ:

«Ստեղծված ոչ սովորական իրավիճա- կում այս քայլին ենք գնում ամեն օր ավե- լացող մարտահրավերներին արագ ար- ձագանքելու, երկրի ներքին կյանքն արդ- յունավետորեն կազմակերպելու եւ արտա- քին մարտահրավերներին հավուր պատ- շաճի դիմագրավելու նպատակով», - ասել է Իշխանյանը:

Իշխանյանի խոսքով՝ երկրի ղեկավար ընտրելու իրավունքն ու պարտականու- թյունը Սահմանադրությամբ դրված է ժո- ղովրդի կողմից ընտրված խորհրդարանի վրա: Բացառապես Արցախի Ազգային ժո- ղովրդի խմբակցություններին է վերապահ- ված հանրապետության նախագահի թեկ- նածու առաջադրելու լիազորությունը, ինչն էլ իրականացվել է սահմանված կար- գով:

«Այսօր հանրապետության նախա- գահի հրաժարականի եւ նոր նախագահի ընտրության համար նախապատրաստա- կան բոլոր գործընթացները կազմակերպ- վել են Սահմանադրությանն ու օրենսդրու- թյանը համապատասխան՝ հաշվի առնե- լով առկա սուր ճգնաժամային իրավիճա- կը»:

Նկատի ունենալով վերջին օրերին հան- րային տրամադրություններում զարգա- ցող որոշակի վտանգավոր միտումները՝ այս պատասխանատու պահին Վալիք Իշխանյանն իրեն վերապահված իրա- վունքով սթափության կոչ է անում բոլո- րին ու հորդորում չտրվել ժողովրդին պա- ռակտող սադրանքներին, չենթարկվել նեղ խմբային շահերին եւ, հանուն ընդհա- նուր շահի, մի կողմ թողնել անձնական նախապատվությունները:

«Ոչ ոք իրավունք չունի մեր հանրությա- նը, նրա առանձին խմբերի տանել արկա- ծախսները մեզ համար ճակատագ- րական այս ժամանակահատվածում: Ու- զում եմ հատուկ ընդգծել եւ վստահեցնել



ձեզ, որ ներքին կայունությունը խաթարող բոլոր գործողությունները կկասեցվեն օրենքի ուժով», - հավելել է Իշխանյանը:

Արցախի Հանրապետության նախագա- հի պաշտոնակատարի խոսքով՝ մենք ու- նենք բոլոր հնարավորությունները՝ ի չիք դարձնելու Արցախի Հանրապետության պետական ինստիտուտները կազմալուծե- լու Ադրբեջանի ցանկությունը, եւ որեւէ գործողությամբ չպետք է նպաստենք արդբեջանական հանցավոր նպատակնե- րի իրագործմանը:

«Մենք հանձնառու ենք պաշտպանելու եւ ամրապնդելու երեք տասնամյակ կեր- տած պետականության հիմքերը: Դա մեր ժողովրդի ցանկությունն է, կամքը, եւ մենք պարտավոր ենք առաջնորդվել այդ պատգամներով:

Հաջողություն եմ մաղթում բոլորիս այս հույժ կարեւոր քաղաքական գործընթացն իրականացնելու ճանապարհին:

Հավատացած եղեք՝ միասին անհնարը հնարավոր կդարձնենք», - եզրափակել է նա:

ՕՐՎԱ ԽՃԱՆԿԱՐ

ԵՐԹԵՎԵԿՈՒԹՅՈՒՆԸ ԿԴԱՎԱՐԵՑՎԻ

«Ժողովուրդ» օրաթերթին «Ճանապար- հային ղեկարտամենտ» հիմնադրամը տեղեկացնում է, որ Մ-3, ՀՀ սահման - Մարգարա - Վանաձոր - Տաշիր - ՀՀ սահ- ման միջպետական նշանակության ավ- տոճանապարհի Պուշկինի լեռնանցքի թունելի նորոգման համար կատարվող ու- սումնասիրությունների նպատակով սեպ- տեմբերի 11-ից մինչեւ 15-ը՝ ժամը 9:00-ից 13:00-ն եւ 14:00-ից 18:00-ն, Պուշկինի թունելով երթեւեկությունը կդադարեցվի:

ԱՐՑԱՆԻՑ՝ ՀԱՅԱՍՏԱՆ

Սեպտեմբերի 8-ին Արցախի առողջա- պահության նախարարության «Հանրա- պետական բժշկական կենտրոն» ՓԲԸ-ից 10 բուժառու ուղեկցողների հետ միասին անհետաձգելի մասնագիտացված բժշ- կական օգնություն ստանալու համար Կարմիր խաչի միջազգային կոմիտեի

միջնորդությամբ եւ ուղեկցությամբ տեղա- փոխվել է ՀՀ մասնագիտացված բժշկա- կան կենտրոններ:

Այս մասին «Ժողովուրդ» օրաթերթին հայտնում են Արցախի առողջապահու- թյան նախարարությունից:

«Վրեւիկ» բուժմիավորումում այս պա- հին ստացիոնար բուժում է ստանում 24 երեխա, 5-ը գտնվում է նորածնային եւ վե- րակենդանացման բաժանմունքում:

«Հանրապետական բժշկական կենտ- րոն» ՓԲԸ-ում ստացիոնար բուժում է ստանում 92 հիվանդ, 6 բուժառու գտնվում է վերակենդանացման բաժանմունքում, որից՝ 3-ը ծայրահեղ ծանր վիճակում:

ԸՆԴՈՒՆԵԼ Է ՄԻՐԶՈՅԱՆԻՆ

«Ժողովուրդ» օրաթերթի փոխանցմամբ՝ ԱՄԷ-ի նախագահ Սոհամնեդ բին Ջայեդ Ալ Նահյանն ընդունել է պաշտոնական այցով Արու Դաբիում գտնվող Արարատ Միրզոյանին:

ԱՄԷ նախագահը եւ ՀՀ ԱԳ նախարարն անդրադարձ են կատարել տարբեր բնա-

գավառներում փոխշահավետ համագոր- ծակցության զարգացման հնարավորու- թյուններին, մտքեր փոխանակել նոր հե- ռանկարային ուղղություններով համատեղ ծրագրերի կյանքի կոչման շուրջ:

ՀՀ ԱԳՆ-ից «Ժողովուրդ» օրաթերթին հայտնում են, որ երկուստեք գոհունակու- թյուն է արտահայտվել երկու երկրների միջեւ առեւտրատնտեսական կապերի աշխուժացման կապակցությամբ՝ ընդգ- ծելով Հայաստանի եւ ԱՄԷ միջեւ առկա զգալի ներուժն առավել արդյունավետ օգ- տագործելու անհրաժեշտությունը:

Նախարար Միրզոյանն ընդգծել է, որ Հայաստանում էմիրաթական ընկերու- թյունների համար ստեղծված է անհրա- ժեշտ բարենպաստ գործարար միջա- վայր:

Հավելենք, որ անդրադառնալով Հարա- վային Կովկասում առկա անվտանգային իրավիճակին՝ Արարատ Միրզոյանը նշել է, որ Ադրբեջանն իր առավելապաշտա- կան նկրտումներով եւ ագրեսիվ գործողու- թյուններով խոչընդոտում է տարածաշր- ջանում տեւական խաղաղություն հաս- տատելու ջանքերին:

ՀԱՍԱՐԱԿՈՒԹՅՈՒՆ

ՄԱՐԶ

ԳԺԳՈՂՈՒԹՅՈՒՆ՝ ԲԿ-ԻՑ

Իջեանի բժշկական կենտրոնում բուժվող հիվանդները դժգոհում են, որ մեծ հիվանդանոցում հիվանդների համար լրդանալու հնարավորություն չկա, ինչը մեծ անհարմարություններ է առաջացնում այդտեղ երկար ժամանակով բուժվողների համար: Իջեանի ԲԿ-ի հիվանդասենյակների պատերից կախված են հեռուստացույցի տակդիրներ, սակայն ոչ մի հիվանդասենյակում հեռուստացույց չկա, որ հիվանդները, հեռուստացույց նայելով, շեղվեն իրենց առողջական վիճակից: Հիվանդասենյակներում օդափոխիչներ չկան, հիվանդները խեղդվում են շոգից, ծանր օդից: Իջեանի բնակիչ Տաթև Թամրազյանը դժգոհում է այդ ԲԿ-ի գույքարանձեռում տիրող ծանր հոսից, նաև ԲԿ-ի բուժաշխատողների աշխատանքից, երբ երկու տարեկան երեխայի համար գիշերը շտապ օգնություն է կանչել, գիշերվա ժամը 2-ին ԲԿ-ից ասել են՝ երեխային տաքսիով բերե՛ք, հիվանդանոցում էլ հերթապահ մասկարայով բացակայել է: Իջեանի ԲԿ-ն հիմնադրվելու համար մեծ փողեր են ծախսվել: 2010թ. ապրիլի 9-ին Սերժ Սարգսյանի մասնակցությամբ տեղի ունեցավ Իջեանի բժշկական կենտրոնի հիմնադրումը 25 կմ քաղաքում արարողությունը: ԲԿ-ի շենքը վերանորոգվել է կառավարության և Համաշխարհային բանկի ֆինանսավորմամբ ՀՀ Նախագահի մարզերի համաչափ զարգացման ծրագրի շրջանակում, աշխատանքների վրա ծախսվել է ավելի քան 2 մլն ԱՄՆ դոլար: 2023թ. ապրիլի 29-ին վարչապետ Նիկոլ Փաշինյանն այցելել է Իջեանի ԲԿ, որտեղ հիմնվել են համակարգչային տոմոգրաֆիայի և հեմոդիալիզի բաժանմունքներ, այդ նպատակով ծախսվել է 223 միլիոն դրամ:

ՄԱՐԶՊԵՏԸ ԼՈՒՄ Է

Տավուշի մարզպետ Հայկ Ղալումյանին «Ժողովուրդ» օրաթերթը տեղեկատվական հարցում է ուղարկել՝ հետաքրքրվելով, թե Տավուշի մարզի հանրակրթական դպրոցներում քանի ուսուցիչ է ուսուցչի օգնական է աշխատում, այդ դպրոցներում ընդհանուր թվով ուսուցչի քանի թափուր հաստիք կա, որ առարկաների ուսուցիչների հաստիքներն են դրանք: Մարզպետարանից ստացված պատասխանում նշված է. «Տավուշի մարզի հանրակրթական դպրոցներում աշխատում է 1577 ուսուցիչ և 161 ուսուցչի օգնական: Ուսուցչի թափուր հաստիքների վերաբերյալ հայտարարությունները տեղադրվում են կրթության, գիտության, մշակույթի և սպորտի նախարարության և Տավուշի մարզպետի աշխատակազմի պաշտոնական կայքերում, ինչպես նաև հրապարակվում է «Կրթություն» շաբաթաթերթում»:

Մարզպետը չի հայտնել, թե մարզպետարանի ենթակայությամբ գործող Տավուշի հանրակրթական դպրոցներում ուսուցչի քանի թափուր հաստիք կա, որ առարկաների գծով: Մարզի գյուղական դպրոցներում ուսուցիչների տասնյակ թափուր հաստիքներ կան, Տավուշի դպրոցներում միջին մասնագիտական կրթությամբ 133 ուսուցիչ կար, որոնցից 65-ն արդեն ազատվել է աշխատանքից, 68-ը դիմել է կամավոր ատեստավորման համար: Սեպտեմբերի 23-ից հոկտեմբերի 8-ը կայանալիք ատեստավորումից նվազագույնը 60 տոկոս արդյունք չունեցած ուսուցիչները կազատվեն աշխատանքից:

ՈՍԿԱՆ ՍԱՐԳՅԱՆ
Տավուշ

ՔՆՆԱՐԿՈՒՄ

ԱՃԱԿԵՐՏԱԿԱՆ ԽՈՐՀՈՒՐԴԻՆ ՈՒ ՆՈՐ ՉԱՓԱՆԻՇՆԵՐԸ

ՀՀ կրթության, գիտության, մշակույթի և սպորտի նախարարությունից «Ժողովուրդ» օրաթերթին տեղեկացնում են, որ նախարարին կից առակերտական խորհրդի հերթական նիստում քննարկվել են նոր ուսումնական տարի կրթական համակարգում ներդրված հիմնարար փոփոխությունների և որոշի բարելավմանն ուղղված ծրագրերի վերաբերյալ մի շարք հարցեր:

Նիստը վարել է նախարարի տեղակալ Արաքսիա Սվաջյանը: Խորհրդում ներդրված է ՀՀ մարզերի և Երեւանի հիմնական, միջնակարգ և ավագ դպրոցների բարձր դասարանների 22 աշակերտ: Նշենք, որ նախարարի տեղակալը խորհրդի անդամներին տեղեկացրել է, որ այս տարի հանրակրթական դպրոցների 2-րդ, 5-րդ և 7-րդ դասարաններում ներդրվել է հանրակրթության նոր պետական չափորոշիչը, որը հիմնված է կարողունակությունների զարգացման վրա՝ ամեն կրթական աստիճանի համար սահմանելով հստակ վերջնարդյունքներ: Նա նաև ավելացրել է, որ չափորոշիչով նախատեսվում է բարձրացնել դպրոցների մանկավարժական ինքնավարությունը, իսկ ուսումնական գործընթացը դարձնել առավել արդյունավետ՝ հրաժարվելով անբավարար գնահատման շեմից և կրտսեր դպրոցում միավորային գնահատումը փոխարինելով ոչ միավորային և ձեւավորող գնահատմամբ, վերանայելով ուսումնական պլանները:

Աշակերտական խորհրդի անդամները մի շարք հարցեր են ուղղել Արաքսիա Սվաջյանին, որոնք, մասնավորապես, վերաբերել են 12-ամյա կրթության առավելություններին ու թերություններին, մասնագիտական կողմնորոշմանը, օլիմ-



պիադաների կազմակերպմանը, հավասար պայմանների սահմանմանը, կրեդիտային համակարգի ներդրմանը, բուհական ընդունելության կարգին, «Ֆիզիկական կուլտուրա» և ՆԶՊ առարկաների դասավանդման արդյունավետությանը, դպրոցների մարզադահլիճների վերանորոգմանն ու վերակառուցմանը և այլն: Նախարարի տեղակալն անդադարձել է բարձրացված բոլոր հարցերին և խնդիրներին՝ շեշտելով, որ դրանց մի մասի պատասխաններն ու լուծումները տրվում են դպրոցներում նոր չափորոշիչ ներդրմամբ:

«Ժողովուրդ» օրաթերթը տեղեկացնում է, որ հանրակրթության ոլորտի նորություններից փոխնախարարն առանձ-

նացրել է նաև մարզառազմական ճամբարի ծրագիրը, որի ընթացքում 11-րդ դասարանիցները գործնական գիտելիքներ են հմտություններ են ստանում «Նախնական զինվորական պատրաստականություն» առարկայից: Հանրակրթության նոր չափորոշիչով մարզառազմական ճամբարը պարտադիր է լինելու՝ իբրև այս առարկայի գործնական բաղադրիչ:

Նշենք նաև, որ հանդիպմանը կարելի է տարաբնույթ միջոցառումների կազմակերպումը, որոնք միտված են օգնելու աշակերտներին մասնագիտական կողմնորոշման, նոր հմտությունների և կարողությունների ձեռք բերման և այլ հարցերում:

ԶՈՐԱՎԱՐԺՈՒԹՅՈՒՆՆԵՐ

ԿԵՆՍԱԿԱՆ ՀՆԱՐԱՎՈՐՈՒԹՅՈՒՆ՝ ԶԻՆՎՈՐՆԵՐԻՆ

«Ժողովուրդ» օրաթերթի փոխանցմամբ՝ ԱՄՆ բանակի Եվրոպայի և Աֆրիկայի հրամանատարությունն անդադարձել է ՀՀ-ում նախատեսված հայ-ամերիկյան համատեղ զորավարությանը:



«Մոտ 85 ամերիկացի և 175 հայ զինվորներ սեպտեմբերի 11-20-ը Հայաստանում կմասնակցեն «Արծիվ գործընկեր» խաղաղապահ գործավարություններին: Ամերիկյան 1-ին բրիգադի, 101-րդ օդադեսանտային դիվիզիայի և Կանադայի ազգային գվարդիայի զինծառայողներն ու Հայաստանի 12-րդ խաղաղապահ բրիգադի զինվորներն ուսումնավարությունները կանցկացնեն Երեւանի մերձակայքում գտնվող Զառե և Արմավիր ուսումնական տարածքներում», - նշված է հրամանատարության հաղորդագրությունում:

«Արծիվ գործընկերը» կենսական հնարավորություն է մեր երկու երկրի զինվորների համար մարտավարական մակարդակում նոր հարաբերություններ կառուցելու և խաղաղապահ գործողությունների փոխգործունակությունը մեծացնելու համար: Այն նաև հիմնված է Հայաստանի հետ Կանադայի ազգային գվարդիայի 20-ամյա հարաբերությունների վրա», - ասել է Եվրոպայում և Աֆրիկայում ԱՄՆ բանակի գնդապետ Մարտին Օ'Ռոնելը:

Նշենք, որ Պաշտպանության նախարարության պետական գործընկերության ծրագրի շրջանակում Հայաստանի հետ Կանադայի ազգային գվարդիայի պետական գործընկերությունը սկիզբ է առել 2003 թվականից:

Զորավարությունները ծրագրում են հայկական 12-րդ խաղաղապահ բրիգադին նախապատրաստել ՆԱՏՕ-ի գործառնական հնարավորությունների հայեցակարգի (OCC) գնահատմանը ՆԱՏՕ-ի «Գործընկերություն հանուն խաղաղության» ծրագրի շրջանակներում այս տարվա վերջին:

Հիշեցնենք, որ «Միջազգային խաղաղապահ առաքելություններում մասնակցության նախապատրաստման շրջանակում սեպտեմբերի 11-20-ը Հայաստանում ՊՆ խաղաղապահ բրիգադի «Զառ» ուսումնական կենտրոնում և ՊՆ N ուսումնական կենտրոնում, կանցկացվի «ԱՐԾԻՎ ԳՈՐԾԸՆԿԵՐ-2023» հայ-ամերիկյան համատեղ զորավարությունը:

ՀՀ ՊՆ-ի հաղորդմամբ՝ զորավարությունը ենթադրում է խաղաղապահ առաջադրանքների ընթացքում հակամարտող կողմերի միջև կայունացման գործողություններ:

● Անցած 1 օրվա ընթացքում Հայաստանի Հանրապետությունում արձանագրվել է 8 ՃՏՊ. 3 մարդ զոհվել է, 14-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԿՐԹՎՈՐ

ՀԱՅԸ՝ ԿՏՐՈՆՈՎ



Արցախի սոցիալական զարգացման և միգրացիայի նախարարությունը «Ժողովուրդ» օրաթերթին տեղեկացնում է, որ ս.թ. սեպտեմբերի 9-ին Ստեփանակերտ քաղաքում հացի վաճառքը կիրականացվի համար 5 կտրոնով:

Այն քաղաքացիները, որոնք չեն կարողացել օգտվել նախորդ օրերի համար նախատեսված համար 1, 2, 3 և 4 կտրոններից, կարող են այդ կտրոններով հացը գնել սեպտեմբերի 9-ին:

ԻՆՉՊԵՍ ԿԸՆՏԲԵՆ

Մարդու իրավունքների պաշտպանի աշխատակազմի՝ Երեւանի ավագանու ընտրությունների անկախ մշտադիտարկում իրականացնող աշխատանքային խմբի անդամները հանդիպել են Կենտրոնական ընտրական հանձնաժողովի (ԿԸՅ) քարտուղար Արմեն Սմբատյանի և իրավաբանական վարչության պետ Լիլիա Յակոբյանի հետ:

«Ժողովուրդ» օրաթերթի փոխանցմամբ՝ հանդիպման ընթացքում իրականացվել է մի շարք հարցերի առնչությամբ քննարկում, ՄԻՊ աշխատակազմի ներկայացուցիչների կողմից ներկայացվել են նախորդ ընտրությունների ժամանակ արձանագրված և ներկայումս հավանական խնդիրները, նախանշվել են համագործակցության ուղղություններ:

Անդրադարձ է կատարվել հաշմանդամություն ունեցող անձանց ընտրական իրավունքի պատշաճ իրացմանը:

«Ժողովուրդ» օրաթերթի տեղեկություններով՝ այս տարի շուրջ 180 ընտրատեղամաս մատչելի կամ մասամբ մատչելի է հաշմանդամություն ունեցող անձանց համար, բոլոր ընտրատեղամասերում առկա կլինեն բրայլայն կադապրով քվեաթերթիկներ, որոնք հնարավորություն կտան տեսողության խնդիրներ ունեցող քաղաքացիներին քվեարկել անձամբ:

Հիշեցնենք, որ սեպտեմբերի 17-ին կայանալիք Երեւանի ավագանու հերթական ընտրություններին ընտրական իրավունքների երաշխավորումն ու առավել արդյունավետ պաշտպանությունն ապահովելու նպատակով Պաշտպան Անահիտ Մանասյանի հանձնարարությամբ ստեղծվել է աշխատանքային խումբ: Այդ օրն աշխատակազմն աշխատելու է արտակարգ ռեժիմով՝ հետեւելով և արձագանքելով մարդու իրավունքների ենթադրյալ խախտումներին, ինչպես նաեւ դրանց առնչությամբ Պաշտպանի լիազորությունների շրջանակներում ձեռնարկելով անհրաժեշտ գործողություններ:

ԿՐԹՎԱԿԱՆ

ՄԱՆՐԱՄԱՆԵՐ՝ ԱՎԱՐՏԱԿԱՆ ԲՆՆՈՒԹՅՈՒՆՆԵՐԻՑ

«Ժողովուրդ» օրաթերթը տեղեկանում է, որ հաստատվել են 2023 թվականի 3-րդ քննաշրջանի դրսեկության ձեռնարկ (էքստեն) ավարտական քննությունների կազմակերպման և անցկացման աշխատակարգն ու ժամանակացույցը:


Ըստ այդմ՝ 2023 թվականի 3-րդ քննաշրջանի դրսեկության ձեռնարկ (էքստեն) քննությունները կանցկացվեն հոկտեմբերի 15-ից մինչև Լոյենբերգի 15-ը ներառյալ:

Հիմնական կրթության վկայական ստանալու համար դրսեկները 2023 թ. 3-րդ քննաշրջանի ընթացքում «Հայաստանի աշխարհագրություն», «Աշխարհագրություն», «Ֆիզիկա», «Քիմիա», «Կենսաբանություն» առարկաների քննությունները հանձնում են գրավոր:

«Հայոց եկեղեցու պատմություն», «Համաշխարհային պատմություն», «Հասարակագիտություն», «Ինֆորմատիկա», «ՆԶՊ» և անվտանգ կենսագործունեություն», «Ռուսաց լեզու», «Ռուս գրականություն» (ռուսերենով ուսուցում ստացած դրսեկների համար), «Օտար լեզու» («Անգլերեն», «Ֆրանսերեն», «Գերմաներեն», այլ լեզուներ՝ սովորողի ընտրությամբ), «Գրականություն» առարկաների քննությունները հանձնում են բանավոր: «Ֆիզկուլտուրա» առարկայից հանձնում են ստուգարք (Նորմատիվների հանձնում):

Միջնակարգ կրթության ատեստատ ստանալու համար դրսեկները 2023 թվականի 3-րդ քննաշրջանի ընթացքում «Ֆիզիկա», «Քիմիա», «Կենսաբանություն», «Աշխարհագրություն» առարկաների քննությունները հանձնում են գրավոր:

«Հայոց եկեղեցու պատմություն», «Համաշխարհային պատմություն», «Հասարակագիտություն», «Ինֆորմատիկա», «ՆԶՊ» և անվտանգ կենսագործունեություն», «Օտար լեզու» («Անգլերեն», «Ֆրանսերեն», «Գերմաներեն», այլ լեզուներ՝ սովորողի ընտրությամբ, «Ռուսաց լեզու», «Ռուս գրականություն» (ռուսերենով ուսուցում ստացած դրսեկների համար) առարկաների քննությունները հանձնում են բանավոր: «Ֆիզկուլտուրա» առարկա-



յից հանձնում են ստուգարք (Նորմատիվների հանձնում):

Նշենք, որ հիմնական կրթության վկայականում և միջնակարգ կրթության ատեստատում ավարտական և պետական ավարտական քննական առարկաները գնահատվում են 20 բալային համակարգով, իսկ տարեկան գնահատականները նշանակվում են՝ 20 բալային համակարգից գնահատ-տա-կան-ները վերածելով 10 բալային համակարգի:

Գնահատականները գրանցելիս գնահատման 20 բալային համակարգից 10 բալային համակարգին անցման համապատասխանությունը կատարվում է համաձայն հետևյալ սանդղակի՝ 8-9 միավոր - 4

- 10-11 միավոր - 5
- 12-13 միավոր - 6
- 14-15 միավոր - 7
- 16-17 միավոր - 8
- 18-19 միավոր - 9
- 20 միավոր - 10

Հավելենք, որ բանավոր քննությունները գնահատվում են 10 բալային համակարգով և համարվում տարեկան գնահատականներ:

«Ժողովուրդ» օրաթերթը տեղեկացավ նաեւ, որ դրսեկության ձեռնարկ (էքստեն) ավարտական քննությունները կազմակերպելու և անցկացնելու գործընթացը վերահսկում է ՀՀ կրթության, գիտության, մշակույթի և սպորտի նախարարությունը:

ՆՇԱՆԱԿՎԱԼԻ

ՄԵԾ ԹԱՓՈՎ ԱԿՑԻԱՆԵՐ

«Վայլըբերիկ»-ի՝ Հայաստանում գործունեություն ծավալելու դեմ տնտեսվարողները դեռ կշարունակեն իրենց բողոքի ակցիան: Ըստ իրենց հարցին պետք է ճիշտ լուծում տրվի: Հայ տնտեսվարողների պահանջը հետեւյալն է. կամ «Վայլըբերիկ»-ը պետք է փակվի, կամ մաքսագերծման գներն այնպես սահմանել, որ կարողանան հավասար մրցակցություն ապահովել:

«Ժողովուրդ» օրաթերթի հետ զրույցում տնտեսվարող Արման Թումասյանը նշեց, որ 2 ամսում չեն կարող Նոր մասնագիտություն սովորել, որն իրենց խորհուրդ է տվել Էկոնոմիկայի նախարար Վահան Զեյրոբյանը:

«Այս ամենը հետո կհանգեցնի արտագաղթի, քանի որ շատ տնտեսվարողներ մի քանի ամիս հետո արդեն խնդիրներ են ունենալու բանկերի և շատ այլ կառույցների հետ: Մեր խանութներում գիտե՛ք, թե ինչ է կատարվում. դպրոցական իրերը չեն կարողացել վաճառել, և ներկա պա-

հին մարդիկ ստիպված վաճառում են կամ ինքնարժեքով, կամ այնպիսի գեղեցիկով, որ կարողանան գումար հավաքել ու փախնել», - մեզ հետ զրույցում նշեց նա:

ՕՃԵԼՅԱ ՅԻՎՀԱՆՆԻՍՅԱՆ

ԲԵՆԶԱԼՅԱԿԱՅԱՆԸ ՓԱԿՎԵՑ

«Ժողովուրդ» օրաթերթին հասած տեղեկություններով՝ ՀՀ քաղաքաշինության, տեխնիկական և հրդեհային անվտանգության տեսչական մարմնի ղեկավարի հանձնարարագրի հիման վրա՝ հրդեհային անվտանգության մասնագետները հրդեհատեխնիկական հետազոտություն են իրականացրել Երեւանի Կենտրոն վարչական շրջանի Մ. Հրեացու 2/5 հասցեում «Սի Փի Էս Էներջի գրուպ» սահմանափակ պատասխանատվությամբ ընկերության կողմից շահագործվող բենզալցակայանի՝ Նորմատիվ-տեխնիկական փաստաթղթերի պահանջների նկատմամբ:

Հետազոտության արդյունքում հայտնաբերվել է արձանագրվել են հրդեհա-

յին և տեխնիկական անվտանգության Նորմատիվ փաստաթղթերի պահանջների այնպիսի խախտումներ, որոնք անվտանգության սպառնալիք են մարդկանց կյանքի, առողջության և անվտանգության համար:

Նշենք, որ հաշվի առնելով հրդեհային և տեխնիկական անվտանգության պահանջների խախտումների ռիսկայնությունն ու վտանգավորության աստիճանը՝ ՀՀ ՔՏՀԱ տեսչական մարմնի ղեկավարի կողմից նշյալ բենզալցակայանի շահագործումը դադարեցնելու որոշում է կայացվել:

Հավելենք, որ սեպտեմբերի 8-ին տեսչական մարմնի, Երեւանի քաղաքապետարանի և Ներքին գործերի նախարարության համատեղ իրականացրած միջոցառման արդյունքում նշված բենզալցակայանի գործունեությունը փաստացի դադարեցվեց, և այն ապամոնտաժվեց:

Բենզալցակայանը շահագործող ընկերության առջև պահեստարաններում առկա վառելիք ամբողջությամբ դատարկելու և չեզոքացնելու պահանջ է դրվել:

● «Ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ՇՈՒՒ ԲԻԶՆԵՍ

ԱՐՄԵՆ ԳՐԻԳՈՐՅԱՆՆ ՈՒ ԾՆՆԴԱՎԱՅՐԸ

«Կամիլի բնավորությանը տեղյակ լինելով՝ կարող եմ ասել, որ հնարավոր է եւ հե՛ս զա մի օր»:

Արսեն Գրիգորյանը «Ժողովուրդ» օրաթերթի հետ զրույցում պատմել է տարօրինակ սովորությունների, ոտքի վնասվածքի, Հայաստան-Արցախ-Սփյուռք կապի, Նոր Նախագծերի մասին:

-Չէի կարող զրույցը չսկսել ինձ եւ Ձեզ համար հոգեհարազատ վայրից՝ Վարդենիկից, որը երկուսիս ծննդավայրն է: Տարիներ առաջ տանը ծնվելը Նորմալ էր, բայց Ձեր դեպքում դա արարողակարգի է վերածվել: Ի՞նչպես է դա տեղի ունեցել:

-Երրորդ դեմքով պատմեմ. մեծ մայրիկիս պատմելով (քանի որ ինքը շատ տպավորիչ էր պատմում ամեն ինչ)՝ տանը եղել են մայրս, մեծ մայրիկս, քույրերս, եղբայրս: Կարելի է կես կատակ-կես լուրջ ասել, որ բարեկամական ինչ-որ կազմ եղել է այդուամենայնիվ, եւ այդ ծայրերից վախեցած քույրերս ու եղբայրներս կույ՛ց են եկել սենյակի մի անկյունում՝ անկողնու տակ՝ փոքր ինչ վախեցած, թե ինչ է կատարվում: Եկել է բուժքույրը՝ տատմերը, ում, ի դեպ, այսօր ճանաչում եմ. շատ երիտասարդ, հաճելի կին է: Նրա հետ ծանոթացրել եմ ավելի գիտակից տարիքում ասելով, որ ինքն է ընդունել իմ ծնունդը: Եվ այդպես հայտնվել եմ այս աշխարհում, ինչի համար որ ուրախ եմ:

Բայց մի անգամ տարիներ առաջ, երբ Ֆրեդկոյում հարցազրույց էի տալիս մեր հայկական մամուլին ու շատ սովորական պատմեցի, որ տանն եմ ծնվել, իրենք դա վերնազիր էին դրել: Հետո ես ուսումնասիրեցի, եւ պարզվեց, որ այսօր աշխարհում ամենաթանկ ծնունդները տանը ընդունված ծնունդներն են:

-Հետաքրքիրն այն է, որ Դուք պատմում եք Ձեր քույրերի, եղբայրների մասին:



Դուք 4-րդ՝ վերջին երեխան եք, եւ չորսը էլ ծնվել եք Վարդենիկում, երբ ապրելիս եք եղել Երեւանում: Դուք հիմա երեւանցի՞ եք, թե՞ վարդենիկցի:

-Ես ինձ երեւանցի եմ համարում, որովհետեւ ես Երեւանի հետ եմ կապված, եւ Երեւանի հետ է կապված իմ կյանքի ամեն դրվագ, բայց, բնականաբար, ես նաեւ վարդենիկցի եմ: Ես վարդենիկցի եմ ոչ միայն նրա համար, որ այնտեղ եմ ծնվել, այլ՝ նրա համար, որ իմ արմատները այնտեղից են գալիս՝ իմ ծնողները, տատիկ-պապիկներս եւ այլն: Ես վարդենիկցի եմ, ինչի համար շատ ուրախ եմ:

-Վերջին անգամ է՞րբ եք եղել Վարդենիկում:

-Անցած տարի՝ օգոստոսին:

-Այս տարի ինչու՞ չգնացիք:

-Երեւանում էի, կարծես ինչ-որ գործեր կային, բայց էլի գնալու եմ անապան մոտ օրերս:

-Առաջ անցնելով՝ խոսենք Ձեր՝ 15-16 տարեկանից մեռակ ապրելու մասին: Ինչ-որ պահից սկսած՝ չմեղադրեցի՞ք Ձեր ծնողներին մեռակ թողնելու համար:

-Ո՛չ, ես շատ ճիշտ եմ համարում այն, որ մեռակ եմ մնացել: Բացարձակ մեղադրելու ոչինչ չունեմ: Ասեմ ավելին՝ շատ շնորհակալ եմ ծնողներին դրա համար, որովհետեւ 15-ից երբ սկսեցի մեռակ մնալ, իրենց հոգատարությունը եւ շարունակում էր ինձ հետ լինել:

Շարունակությունը՝ ArmLur.am կայքում **Ջրույցեց ՄԱՐԻԱՍ ՂԱԶՐՅԱՆԸ**

ՍՊՈՐՏ

ՆՈՐ ՄԵԴԱԼ

Սաուդյան Արաբիայում ընթացող ծանրամարտի աշխարհի առաջնությունում Եվրոպայի չեմպիոն 20-ամյա Գոռ Սահակյանը դարձավ բրոնզե մեդալակիր:

«Ժողովուրդ» օրաթերթը ծանրամարտի միջազգային ֆեդերացիայի պաշտոնական կայքից տեղեկանում է, որ Սահակյանը երկամարտում գրանցել է 312 կգ արդյունք: «Պոկում» վարժությունում նա 3-րդ փորձից բարձրացրել է 142կգ ծանրաձողը՝ նվաճելով փոքր արծաթե մեդալ: «Հրում» վարժությունում նա կրկին 3-րդ փորձից կարողացավ բարձրացնել 170կգ ծանրաձողը:

Սա Հայաստանի առաջին մեդալն է ծանրամարտի աշխարհի ընթացիկ առաջնությունում:

ՀԱՋՈՂ

ՄԵԿՆԱՐԿ

Սեպտեմբերի 7-ին Նիդերլանդների Հաագա քաղաքում մեկնարկեց երիտասարդների Եվրոպայի առաջնության մրցաշարը:

«Ժողովուրդ» օրաթերթին Հայաստանի ծյուրոյի ֆեդերացիայից տեղեկացնում են, որ մրցումների հենց առաջին օրը 60 կգ քաշային կարգում հանդես եկող, Գյումրու ՄՀԿ համալիր մանկապատանեկան մարզադպրոցի սան Աշիկ Անդրեյանը /մարզիչ՝ Նարեկ Սուքիասյան/, տանելով չորս հաղթանակ, գրավեց 3-րդ մրցանակային տեղը եւ նվաճեց բրոնզե մեդալ:

ՄԵՍՄԻՆ՝ ԽԱԳԻ ՄԱՍԻՆ

Աշխարհի չեմպիոն Արգենտինայի հավաքականի եւ ամերիկյան «Ինտերի Մայամի» 36-ամյա հարձակվող Լիոնել Մեսին մեկնաբանել է հաղթական մեկնարկը 2026թ. աշխարհի առաջնության ընտրական փուլում:

Լիոնել Սկալունիի գլխավորած թիմը 1:0 հաշվով պարտության էր մատնել Էկվադորի հավաքականին Մեսիի գոլի շնորհիվ:

«Գիտենք, որ մեզ բարդ հանդիպումներ են սպասվում որակավորման փուլում: Էկվադորի հավաքականն ունի շատ լավ խաղացողներ, եւ նրանք գիտեն՝ ինչպես խաղալ: Նրանք ֆիզիկապես շատ լավ են պատրաստված:

Շատ ծանր խաղ էր: Մի փոքր հոգնել եմ, բայց ինձ լավ եմ զգում:

Մենք մի քանի ամիս առաջ ենք դարձել աշխարհի չեմպիոն, բայց պետք է շարունակենք պայքարը եւ պատրաստվենք ԱՄ-2026-ին: Բոլորն են ցանկանում հաղթել Արգենտինայի հավաքականին», - Մեսիի խոսքը մեջբերում է Արգենտինայի հավաքականի մամուլի ծառայությունը:

Հաջորդ հանդիպումն Արգենտինայի հավաքականը կանցկացնի սեպտեմբերի 12-ին՝ հյուրընկալվելով Բոլիվիային:

ՀԵՏԱԶՐԵՑԻՐ

ԵՐԳՉՈՒՂԻՆ ԱՐՉԱԳԱՆՔԵԼ Է

Երգչուհի, դերասանուհի Դալիթան օրերս ինստագրամյան «Սթորի» բաժնում հրապարակում էր արել՝ տեղադրելով հիվանդանոցից լուսանկար: Դալիթան կից ոչինչ չէր նշել, ինչն անհանգստացրել էր նրա հետեւորդներին: Այսօր երգչուհին հայտնել է, որ իրեն լավ է զգում, սակայն չի բացահայտել հիվանդանոցում հայտնվելու պատճառը: «Սիրելի՛ մարդիկ, արդեն ինձ ավելի լավ եմ զգում: Ընորհակալ եմ բոլորիդ ուշադրության ու հոգատարության համար», - գրել է նա:

Հավելենք, որ այս շրջանում Դալիթան նկարահանվում է «Շանթ» հեռուստաընկերության «Իրար դեմ» սերիալում:

ՈՎԵՐՐ

ԿՄԱՄՆԱԿՑԵՆ

«Ժողովուրդ» օրաթերթին հայտնի են դարձել հունահռոմեական եւ ազատ ոճի ըմբշամարտի Հայաստանի հավաքականների կազմերը Բելգրադում կայանալիք աշխարհի առաջնությունում:

Հայաստանի ըմբշամարտի ֆեդերացիան տեղեկացնում է, որ ԱՄ-ին կմասնակցի աշխարհի ու Եվրոպայի չեմպիոն 35-ամյա Մաքսիմ Մանուկյանը, որը երկու տարի անց՝ մրցագորգ վերադառնալուց հետո,



մայիսին հաղթել էր Բենուր Փաշայանի անվան հուշամրցաշարում:

Հունահռոմեական ոճի ըմբշամարտի Հայաստանի հավաքականը մրցավայր կմեկնի ամբողջական կազմով՝ Ռուդիկ Մկրտչյան (55 կգ), Գեորգ Ղարիբյան (60 կգ), Հրաչյա Պողոսյան (63 կգ), Սլավիկ Գալստյան (67 կգ), Շանթ Խաչատրյան (72 կգ), Մալխաս Ամոյան (77 կգ), Մաքսիմ Մանուկյան (82 կգ), Գեորգ Թադեոսյան (87 կգ), Արթուր Ալեքսանյան (97 կգ) եւ Դավիթ Օվասապյան (130 կգ):

Նշենք, որ ազատ ոճի ըմբշամարտի Հայաստանի հավաքականի կազմում ընդգրկվել է 7 ըմբիշ՝ Արսեն Հարությունյան (57 կգ), Նորիկ Հարությունյան (61 կգ), Վազգեն Թեւանյան (65 կգ), Արման Անդրեասյան (70 կգ), Հրայր Ալիխանյան (74 կգ), Արման Ավագյան (79 կգ) եւ Սերգեյ Սարգսյան (97 կգ):

Հավելենք, որ Բելգրադն աշխարհի առաջնությունը կընդունի սեպտեմբերի 16-ից 24-ը: ԱՄ-ն վարկանիշային է լինելու «Փարիզ-2024» օլիմպիական խաղերի համար: Յուրաքանչյուր օլիմպիական քաշային կարգում խաղարկվելու է 5 ուղեգիր: Ուղեգիր կնվաճեն 4 մեդալակիրները, ինչպես նաեւ բրոնզե մեդալի համար գոտեմարտում պարտված 2 ըմբիշների միջեւ լրացուցիչ գոտեմարտի հաղթողը:

● Սեպտեմբերի 10-ին «Մեցցո» ակումբում տեղի կունենա Another Story Band-ի համերգը: Տոմսերի արժեքը՝ 4000 դրամ: Սկիզբը՝ ժամը 21:00-ին:



Էջը՝ ՄԱՐԻԱՍ ՂԱԶՐՈՅԱՆԻ

ՀԵՏԱԶՈՏՈՒԹՅՈՒՆ

ՀԱՐՑ. Ինձ նշանակել են գլուկոզայի տրեան-սուրյան հետազոտություն: Ի՞նչ է դա նշանակում: Արաքսյա Մելքոնյան (54 տարեկան)



ՊԵՏԱՍԽԱՆ. Գլուկոզայի տոլերանտության հետազոտությունն իրականացվում է, երբ հիվանդը գանգատներ չունի, սակայն արյան քննությամբ գլուկոզայի մակարդակը 6,9 մմոլ/լից բարձր է, կամ երբ հիվանդը գեր է, ճարպակալած, գանգատ չունի, մեզի մեջ գլյուկոզ չկա, բայց ինչ-որ բան կասկածվում է:

Հիվանդին տրվում է գլուկոզայով ծանրաբեռնում. առաջարկում են 75 գրամ գլուկոզա խմելու ձեռով, եւ 2 ժամ հետո կատարվում է արյան մեջ գլուկոզայի քանակի որոշում: Եթե այդ ժամանակ գլուկոզայի քանակը չի գերազանցում 7,8 մմոլ/լ-ը, համարվում է, որ պացիենտն առողջ է: Եթե այն 7,8 -11 մմոլ/լ է, համարվում է, որ կա գլուկոզայի տոլերանտության խանգարում, այսինքն՝ նախադիաբետիկ փուլն է: Իսկ եթե 11 մմոլ/լ-ից ավելի է, արդեն ախտորոշվում է շաքարային դիաբետ:

Իզմիրյան բժշկական կենտրոն

«ԺՈՂՎՈՒՐԳ». Հղիների մոտ մոտեցումն այլ է. քաղցած վիճակում գլուկոզայի արյան մեջ չպետք է գերազանցի 5,1 մմոլ/լ-ը, եւ նրանց մոտ ծանրաբեռնվածության փորձի ժամանակ պետք չէ ռիսկի դիմել. հղիներին խմեցնում են 50 գրամ գլուկոզա եւ ստուգում են արյունը 1 ժամ հետո: Նորմայում գլուկոզայի չպետք է գերազանցի 10 մմոլ/լ-ը, եթե դրանից ավելի է, եւ եթե 2 ժամից հետո էլ 8,5 մմոլ/լ է կամ ավելի, արդեն շաքարային դիաբետ է ախտորոշվում:

ՎԻՋԱ

ՀԱՐՑ. Ուզում եմ Չեխիա գնալ. որե՞նչ ներկայացնեմ դիմում շենգենյան վիզա ստանալու համար: Արմինե Սանուկյան (23 տարեկան)



ՊԵՏԱՍԽԱՆ. Դիմորդները ներկայացնում են իրենց դիմումները Շենգենյան համաձայնագրի տարածքի այն երկրի դիվանագիտական ներկայացուցչությանը, որը հանդիսանում է հիմնական այցելության վայրը: Շենգենյան համաձայնագրի տարածքի մի քանի երկրներ այցելելու դեպքում հիմնական այցելության վայր է համարվում այն երկիրը, որտեղ այցելության ժամանակահատվածը ավելի երկար է: Եթե Շենգենյան համաձայնագրի տարածքի մի քանի երկրներ այցելելու ժամանակահատվածները հավասար են, ապա հիմնական այցելության վայրը համարվում է այն երկիրը, որտեղ գտնվում է այցելության հիմնական նպատակը, օրինակ՝ համաժողովի մասնակցություն: Եթե հնարավոր չէ սահմանել այցելության հիմնական վայրը վերոնշյալ կերպով, ապա դիմումը ներկայացվում է Շենգենյան տարածքի այն երկրի դիվանագիտական ներկայացուցչություն, որը մուտք է գործում Շենգենյան տարածք, այսինքն՝ որը կայցելվի առաջինը:

Չեխիայի Հանրապետության դեսպանատուն Երեւանում

«ԺՈՂՎՈՒՐԳ». Եթե Չեխիայի Հանրապետությունը միակ հիմնական այցելության վայրն է, ապա դիմումը պետք է ներկայացվի Չեխիայի Հանրապետության դիվանագիտական ներկայացուցչություն:

ԼՈՒՐ ԿԱԴՐ

Լուսանկարն արվել է Երեւանում



Արվյան 22ա հասցեում, 2-3 շաբաթ է, բակը քանդված վիճակում է: Սկզբում 2 շաբաթից ավել ջուր չկար, հետո ջրի ավելորդ կորստի պատճառով քանդեցին բակը ծայրից ծայր, փոխեցին խողովակները եւ թողեցին այս վիճակում: Կենտրոն վարչական շրջանի ղեկավար Սամվել Ղուկասյանը եկավ, շրջեց, ըստ իրեն, ծանոթացավ աշխատանքներին: «Ժողովուրդ» օրաթերթը, բաց չթողնելով հնարավորությունը, փորձեց Ղուկասյանից ճշտել մի քանի հարցերի պատասխաններ, սակայն նա խուսափեց որեւէ պատասխան տալ: Հենց այդ օրվանից հետո դադարեցվեցին աշխատանքները: «Վիճակ ջուր»-ը անհետ կորել է, իսկ մինչ այդ նոր մեքենաներով ջանասիրաբար փորվում էր նոր արված ասֆալտը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+ 8 + 11 +21 + 25	☀	Արարատ	+17 + 20 +34 + 36
☀	Կոտայքի լեռներ	+ 8 + 11 +23 + 26	☀	Արմավիր	+15 + 19 +33 + 35
☀	Կոտայքի նախալեռներ	+18 + 21 +27 + 30	☀	Վայոց ձորի լեռներ	+ 8 + 12 +24 + 25
☀	Գեղարքունիք	+ 8 + 12 +20 + 24	☀	Վայոց ձորի նախալեռներ	+16 + 19 +33 + 36
☀	Լոռի	+12 + 16 +18 + 24	☀	Սյունիքի հովիտներ	+18 + 21 +27 + 31
☀	Տավուշ	+14 + 19 +24 + 27	☀	Սյունիքի նախալեռներ	+10 + 13 +19 + 22
☀	Արագածոտնի լեռներ	+ 9 + 12 +22 + 26	☀	ԼՂՀ	+17 + 20 +26 + 31
☀	Արագածոտնի նախալեռներ	+18 + 20 +30 + 33	☀	Երեւան	+19 + 21 +35 + 37

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արվյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 8.9.2023
Պատկերը/Վերջին փոփոխությունը 2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեքենաներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: